

# INUIT ATAQATIGIIT

## Inatsisartuni



UKA 2018/162

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Kalaallit Qallunaat Nunaanni ilinniagaqartut ineqarnikkut amerlanernik periarfissinneqarnissaannut Naalakkersuisut pisariaqartitsinermik inissanillu amerlanernik pissarsisinnaanernik misissuinissamik peqquneqarnissaannut Inatsisartuni aalajangiiffigisassatut siunnersuut.**

(Inatsisartunut ilaasortaq Mimi Karlsen, Inuit Ataqatigiit)

### Tunngavilersuut:

Qallunaat nunaanni nunatsinnit ilinniartut massakkut 500-t pallippaat, taakkunanga ilinniartinnut ingerlaqqiffiusunut 340-t ilinniartutik.

Inuusuttortatta ilinniarnissaannik kaammattorutsigit, taava aamma ilinniartut Kalaallit Nunaata avataani ilinniarnissamik toqqaasut tapersersornerannut pikkorinnerusariaqarpugut. Ilinniakkat amerlasuut Kalaallit Nunaanni ilinniarteqarsinnaanngillat.

§37 naapertorlugu apeqquteqaatinnut Naalakkersuisut akissutaanni ersarippoq kollegie-ssaaleqineq annertuumik ajornartorsiutaasortoq, pingaartumik ilaqutariit meerartaqarsimatillugit. Taamaammatt ilaqutariit taakku ilinniarternerup nalaani inissaqarnissaannut qanoq periarfissaqartoqarnera misissorneqartariaqarpoq. Pisariaqartitsinermulli nassuiaatit annertunertigit ilimagisanik aallaaveqarsorinarput, taamaammallu pisariaqartitsinerup qanoq ippiarneranik qulaajaanissaq kissaatigineqarpoq.

Ingammilli Københavnimi ajornartorsiut annertunerusoq erseqqippoq, ilinniakkallu ilai taamaallaat Københavnimi ilinniarteqarsinnaapput. Københavnimi kollegiami inissamik tunineqarsinnaaneq ajornartupilussuuvoq, inissallu attartortakkat akisoorujussuullutik. Ilaatigullu ilinniartuq inissiami ineqarnissamut akissaqassaguni suliffeqartariaqarnera, ilinniakkamik kinguaattoortitsisarpoq.

Ukiuni kingullerni kisitsisit takutippaat Københavnimi iliniarfissarsisaraluartut ilaat ajuusaarnartumik ilinniariangitsuginnartartut inissamik pissarsinissap ajornarpallaarnera peqqutigalugu imaluunniit ilinniakkaminnik unitsitsiinnartariaqartarsimasut. 2015-mi tallimat, 2016-mi arfinillit, 2017-mi pingasut, 2018-milu ataasiugallartoq. Kisitsisinngorlugit 15-nit amerlagisassaannngikkaluarput, taamaattorli ilinniartut Nunatta siunissaani 15-nit amerlapput, iliuuseqarfisariaqarippullu isumaqarpunga.

# INUIT ATAQATIGIIT

## Inatsisartuni



Taamaamat Naalackersuisut pisariaqartitsinermik qanorlu iliorluta ilinniagaqartut Københavnimi inissaqarsinnaanerannik qulakkeerisinnaanitsinnut periarfissanik misissuinissamik peqquneqarnissaat kissaatigaarput.

### **Pisortanut aningaasatigut allaffissornikkullu kingunerisassai:**

Misissuineq naatsorsuutigineqassaaq ukiup affaanik sivisussusilimmik AC Fuldmægtig sulisinneqassasoq, taannalu naleqassaaq 250.000 kr.

### **Namminersortunut aningaasaatigut allaffissornikkullu kingunerisassai:**

Soqanngilaq

### **Innuttaasunut aningaasatigut allaffissornikkullu kingunerisassai:**

Soqanngilaq